

## बात मान ले गौरा प्यारी | By Ram Kuma Lakkha

बात मान ले गौरा प्यारी  
ना तो फेर पछतावेगी  
मेरी गेल्या ब्याह करवा के  
बहुत घणी दुःख पावेगी

ना तो मेरे महल चौबारे  
ऊँचे ऊँचे खड़े पहाड़  
पैर स्पट के गिर जावेगी  
तुड़वा बैठेगी कित नाड  
घोर अँधेरा जंगल के वहां  
शेर बघेरे मारे दहाड़  
मेरे ते ब्याह करवा के ने  
गल जावेगा गल में झाड़  
ठंडी ठंडी हवा चले तो  
जाड़े में घिर जावेगी  
मेरी गेल्या ब्याह करवा के  
बहुत घणी दुःख पावेगी

मस्ती के वहां मस्त रहूं  
ना ब्याह की करे भड़ास मेरे  
तेरी मेरी जोड़ी बिलकुल  
कोन्या आवे रास मेरे  
सर पे मोड़ धरा के ने  
मत डाले गल में फाँस मेरे  
एक तो मैं दूजा मेरा नंदी  
नहीं तीसरा पास मेरे  
मने बता दे किस गैल्या  
मने बता दे किस की गैल्या  
बोलेगी बतलावेगी  
मेरी गेल्या ब्याह करवा के  
बहुत घणी दुःख पावेगी

मेरे से ब्याह करवाना सुन  
तेरे बस की बात नहीं  
तन्ने मेहला में आराम करया  
मेरे साथ कटे एक रात नहीं  
मैं किस तरया से रया करूं  
वो देखे से हालात नहीं  
मैं तो समझा समझा हार लिया  
आगे मेरी औकात नहीं  
कहे भीमसेन जो ना मानी तो  
मोटा धोखा खावेगी  
मेरी गेल्या ब्याह करवा के  
बहुत घणी दुःख पावेगी

[%e0%a4%b2%e0%a5%87-%e0%a4%97%e0%a5%8c%e0%a4%b0%e0%a4%be-  
%e0%a4%aa%e0%a5%8d%e0%a4%af%e0%a4%be%e0%a4%b0%e0%a5%80-by-ram-kuma-lakkha/](#)